

Alkitab Buat Bocah
Nampilin

Samuel, Anak
Tuhan -
Pembantu



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Lyn Doerksen

Nyeng terjemahin: Matheus Nalih Ungin


Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Hanna itu perembuan bae-bae, dia nikah sama Elkana, seorang laki-laki nyeng juga bae. Mereka bedua muji-muji Tuhan dan nunjukin baenya sama orang laen. Tapi ada nyeng kurang dalem idupnya Hanna. Dia pengen punya orok. Yah! Bener-bener pengen bangat dia orok itu! Dia nunggu ama sembahyang dan ngarep dan nunggu lama. Kaga ada orok nyeng dibranakin!





Saban taun, Hanna pegih buat sembahyang di Rumah Tuhan. Satu taun dia bikin janji sama Tuhan kalo Dia ngasih seorang bocah sama dia, dia bakalan ngasih bocah itu jadi pembantu Tuhan selamanya.





Pastur Eli nyeng
udah tua ngeliat
Hanna sembahyang.
Dia kira Hanna
mabok anggur karena
bibirnya komat kamit
tapi kaga ada
suara nyeng
kedengeran. Eli
marahin Hanna!






Tapi Hanna bilang sama Eli soal sembahyangnya minta seorang bocah dan janjinya sama Tuhan. "Pegihlah dengan damei," Eli ngejawab. "Dan Allah Israel bakalan ngasih kamu apa nyeng kamu minta dari Dia." Omongannya Eli ngasih pengarepan buat Hanna.



Mendadak kegirangan menuhin atinya Hanna.
"Tuhan inget dia", dan ngejawab sembahyangnya.
Dia sama Elkana bakalan punya seorang orok
laki-laki nyeng dikasih nama Samuel (nyeng artinya
"Didengerin Allah"). Tapi inget kaga Hanna sama
Tuhan dan janjinya sama Dia?





Hanna brenti dateng ke Rumah Tuhan kaya nyeng biasa dia kerjain saban taun. Sayang banget! Apa iya dia lupa sama janjinya kepada Tuhan? Kaga. Hanna nunggu sampe Samuel cukup gede buat netep di Rumah Tuhan dan nulungin Eli dalem ngelayanin Tuhan. Lantas dia ngebawa Samuel ke Rumah Tuhan.



Tuhan ngehargain
iman Hanna nyeng
gede bangat.



Seabisnya Samuel,
Tuhan ngasih lagi
buatnya tiga orang
bocah laki-laki
dan dua bocah
perempuan. Saban
taun Hanna pegih
ke Rumah Tuhan
buat muji-muji
Tuhan dan buat
ngebawain jubah
baru nyeng
dibikinnya dewek
buat Samuel.



A cartoon illustration of two men with brown skin and black beards. Both are wearing white turbans with yellow stripes. The man on the left is holding a small brown bowl and a piece of bread. The man on the right has a more serious expression. They are set against a light gray background.

Samuel bukan cuman cuman satu-satunya pembantu Eli. Anak-anak Eli, Hofni ama Pinehas, juga begawe di sono. Tapi mereka kaga ngehormatin Tuhan dengan ngelakuin hal-hal nyeng jahat, dan kaga bakal berubah meski Eli nyeng minta. Eli kudunya mecat mereka dari pegawean mereka di Rumah Tuhan.





Satu malem, Samuel ngedenger satu suara manggil-manggil dia. Anak laki itu mikirnya kalo Eli nyeng manggil dia. "Iya, bapa," dia ngejawab. "Aku kaga manggil kamu," Eli ngejawab. Kejadiannya sampe tiga kali. Lantas Eli tau kalo Tuhan pengen ngomong sama Samuel.






Eli bilang sama
Samuel, "Kalo Ia
manggil kamu,
bilang aja :
Ngomong aja
Tuhan, sebab
hambaMu ini
denger." Dan
Tuhan manggil
lagi, dan ngasih
satu pesen nyeng
penting sama
Samuel.




Paginiya Eli manggil Samuel,
"Apa pesen nyeng disampein
Tuhan sama kamu?" dia tanya.
Samuel muda bilang semuanya
sama pastur Eli. Ini pesen
nyeng paling nakutin. Tuhan
bakal ngancurin semua
keluarga Eli sebab Hofni ama
Pinehas jahat bangat.




Peringatan Tuhan bener-bener nyata. Selama peperangan sama orang-orang Filistin, dua anak Eli nyeng jahat mimpin dan ngebawa Tabut Tuhan di depan tentara Israel. Musuh ngerampas Tabut Tuhan dan ngebunuh Hofni ama Pinehas bareng ama orang-orang Israel. Pas Eli ngedenger soal ini, dia jatoh dari bangkunya, lehernya patah dan dia mati pada hari nyeng sama ama kematian anaknya.



Tabut Tuhan ngebawa banyak masalah buat orang Filistin. Mereka taro Tabut Tuhan di kuil Dagon, allah palsu mereka. Pagi arinya patung Dagon ngegubrak jatoh dan mukanya ke tanah. Orang-orang Filistin ngangkat lagi patung itu, tapi besoknya ngegubrak jatoh lagi. Kali ini Dagon jatoh dan ancur berantakan.





Penyakit ama kematian nyebar disela-sela orang Filistin. Buat ngeliat apa bener Tuhan ngehukum mereka, orang Filistin ngambil dua sampi nyeng lagi netein buat narik gerobag mereka. Mereka naro Tabut Tuhan di atasnya. "Kalo aja sampi itu ke Israel, dan ninggalin anak-anaknya, kita tau Tuhan nyeng ngerjain semuanya," mereka bilang. Dan sampi-sampi itu pegih.





Samuel udah gede, dia ngomong sama semua orang Israel, "Kalo kamu balik lagi sama Tuhan dengan sepenuh ati, maka jauhin...maka Ia bakalan ngelepasin kamu dari tangan orang Filistin." Orang Israel nurut ama nabi Tuhan nyeng penuh iman. Tangan Tuhan ngelawan orang Filistin selagi Samuel idup.



Samuel, Anak Tuhan - Pembantu

Sebuah cerita dari perkataannya Tuhan, Alkitab

Ditemuin di

1 Samuel 1-7

“Palang pintu Firman Engkau ngasih terang.”
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

